

ایختیلاف اوچون جماعتین احساساتین تحریک ائله‌ماق، خیانت ساییلیر

اینقیلابین موعظم رهبری تأکید ائله‌دیلر: بو گوندن اینتیخابات گونونه‌جن هر کس جماعتین احساساتینی ایختیلاف جهتینده ایشله‌ده قطعاً اؤلکه‌یه خیانت ائدیب.

مهرین وئردیغی خبره گؤره، حضرت آیت الله خامنه ای ایسلامی اینقیلابین موعظم رهبری، چهارشنبه گونو مینلر دانیشجو و موحصلین گؤروشونده، موهوم سؤزلر ضیمیننده ایران جماعتی‌نین موس‌تکبیر آمریکا دؤلتی قاباغینداکی 60 ایللیق کلان موباریزه‌سی‌نین موختلیف مرحله‌لرین تبیین ائله‌ماغینان، بو موباریزه‌نین فایدالارینی مسئوللار آراسیندا وحدت و دایانمادان چالیشمالاری و آلاها توکول ائله‌ماقلاری بیلدی و تأکید بویوردولار: مسئوللار مخصوصاً اوچ قوه‌نین باشلاری گرک اؤز وظیفه‌لرین تانیماقلا و ایندیکی حساس شرایطی درک ائله‌ماقلا، ایختیلاقلاری جماعت ایچینه چکماقدان چکینه‌لر و بیله‌لر کی بو گوندن اینتیخابات گونونه‌جن هر کس جماعتین احساساتینی ایختیلاف جهتینده ایشله‌ده قطعاً اؤلکه‌یه خیانت ائدیب.

حضرت آیت الله خامنه ای بیرلیق و اتحادی چوخ موهوم ساییب و تأکید ائله‌دیلر: ضرری موریدلرین بیر، مسئوللار آراسینداکی ایختیلاف‌دیر و اوندان داها پیس بو ایختیلاقی جماعت ایچینه چکماقدیر.

اونلار بویوردولار: من مسئوللار و قوه‌لرین رئیس‌لرینه هوشدار وئیریم کی موغابات اولسونلار و ایختیلاقلاری جماعت ایچینه چکمه‌سینلر.

حضرت آیت الله خامنه ای بونا تأکید ائله‌ماغینان کی رهبرلیق مقامی قوه‌لری رئیس‌لریندن حیمایت ائدیب و انده‌جاق، دئدیلر: سون گونلرده نامه یازماقلار و اونلارین موضوعی اصلاً اهمیتلی موضوع دئییل، آما بو ایختیلاقلار جماعت ایچینه چکیلمه‌مه‌لیدیر و بیگانه رسانه‌لر و دوشمنلر اوچون های‌کوی سالماغا ال یئری اولمامالیدیر.